

ԿՐԹԱԿԱՆ



- Պարոն նախարար, հասարակությունը լսեց Ձեր ներկայացրած կրթության յուրաքանչյուր աստիճանի համար իրականացվելիք փոփոխությունների մասին: Հարցով հետաքրքրվող անձանց լրատվական տարբեր հեռուստաալիքների միջոցով հնարավորություն տրվեց ծանոթանալ Ձեր դիրքորոշմանը, այնպես որ, նրանք, երեւի, արդեն պատկերացում ունեն այն մասին, թե ի՞նչ են նախատեսում Ձեր կողմից ներկայացված բարեփոխումները, եւ ի՞նչ սպասենք դրանցից: Մեր ամսագրի ընթերցողի համար որպեսզի ավելի պարզ դառնա նախարարի վերաբերմունքը, մի փոքր ետ վերադառնանք. «Որոշ չափով գիտե՞իք կրթության համակարգըն ու նրա խնդիրները, ինչո՞ւ համաձայնեցիք նախարար դառնալ»:

- Վեճական դեր խաղաց հենց այն փորձը, որը կրթության համակարգի հետ էր կապված: Համակարգում առկա խնդիրները եւ մարտահրավերները ինձ համար իրոք օտար չէին: Երբ դրսից ես ուսումնասիրում գործունեությունը, որը քո հետաքրքրությունների հետ է կապված, բացթողումներն ավելի տեսանելի են: Համախոհների եւ օտարերկրյա գործընկերների հետ մի քանի անգամ խոսել եմ այս հարցերի շուրջ, եւ երբ նախարարի պաշտոն առաջարկեցին, մտածեցի, որ իսկապես ցանկանում էի անձամբ մասնակցել այն փոփոխություններին, որոնք անհրաժեշտ էին կրթության համա-

ՄԻԽԵԻԼ ԲԱՏԻԱՇՎԻԼԻ. «ԿՐԹՈՒԹՅՈՒՆ ԱԶԱՏՈՒԹՅՈՒՆ Է»

«Մի անգամ առավոտյան, աշխատանքի գնալիս, վերելակում հանդիպեցի հարեւանի տղային. դպրոց էր գնում: Սկսեցի խոսել նրա հետ, հարցրեցի ուրա՞խ էր, թե՞ ոչ դպրոց հաճախելու համար, դպրոցը դո՞ւր է գալիս, թե՞ ոչ: Նա մանկական անկեղծությամբ վերադարձրեց հարցը. «Դուք կարծո՞ւմ եք, կա երեխա, որին ուրախացնում է դպրոց հաճախելը»: Այս բառերը մինչ օրս ականջներումս են եւ անընդիատ հիշեցնում են տղային»:

Այսպես է սկսում հարցազրույցը Վրաստանի կրթության, գիտության, սպորտի եւ մշակույթի նախարար Միխեիլ Բատիաշվիլին՝ պատասխանելով «Մասնավերելի» («Ուսուցիչ») հանդեսի թղթակից Նատո Ինգորոզվայի հարցերին, որը «Վրաստան» թերթի ընթերցողների ուշադրությանն ենք ներկայացնում Վրաստանի ԿԳՄՍ նախարարության փորձագետ Կարինե Մանուկյանի թարգմանությամբ:

կարգին: Ընդհանրապես գտնում եմ, որ երբ ինչ-որ բան չես հավանում, ու տրվում է այն շտկելու հնարավորություն, չպետք է սպասես, թե երբ ուրիշը կստանձնի պատասխանատվություն: Խնդիրներ կան ուսման բոլոր աստիճաններում, եւ դա բոլորս ենք ընդունում:

- «Կրթությունը իմ երկրի առաջնահերթությունն է», - այս բառերը հաճախ ենք լսում մարդկանցից, որոնք մեր երկրում ընդունում են քաղաքական կամ տնտեսական որոշումներ եւ սահմանում են, թե ի՞նչ զումար պետք է հատկացնի պետությունը բյուջեից: Ի՞նչ է նշանակում Ձեզ համար կրթության առաջնահերթությունը:

- Կրթության առաջնահերթությունն այն է, որ պետությունն ընդունում է նրա անվերապահ նշանակությունը, աջակցում է բարեփոխումներին, դրա համար գումար է հատկացնում կամ մարդկային ռեսուրսներ եւ ոչ միայն: Առաջնահերթությունն այն է, որ կրթությանը համապատասխան արժեք տրվի, կրթությունը արժանապատիվ կյանքի հնարավորություն տա, հավատան, որ գիտելիքը եւ հմտություն-կարողությունները, որոնք դպրոցում կան համալսարաններում եւ ստանում, ապագայում կօգնեն ինքնիրացմանը եւ կապահովեն քո բարեկեցությունը:

Կրթության առաջնահերթությունը դրսեւորվում է նրանով եւս, որ գիտակցում ենք սխալների ժամանակ չունենք, դրա համար էլ շատ մտածելուց, բանավիճելուց եւ քննարկելուց հետո ենք որոշում կայացնում, որն ավելի շատ չի վնասի համակարգում ընթացող գործընթացներին: Տեսակա-նը իմի է բերված, յուրաքանչյուր գործունեություն կազմված է ըստ ժամանակի: Ներկայումս բաց թողնված մեկ սխալն ուղղելու համար հավանա-կան է տարիներ պահանջվեն: Մեր յուրաքանչյուր քայլի հետեւում պիտի լինի մտածված, հետազոտ-ման եւ փորձի վրա հիմնված որոշում:

Կան շտապ կարգավորման խնդիրներ: Դրան-

ցից մեկը դասագրքերի գրիֆ շնորհելն է: Շատ խորհեցիք. քննարկեցիք բոլոր այն բացթողում-ները, որոնք առկա էին այս գործընթացում, գրու-ցեցիք դասագրքերի հեղինակների, փորձագետ-ների հետ, հաշվի առանք բոլոր դիտողություննե-րը, եւ լավն այն է, որ նրանցից յուրաքանչյուրի հետ հաղորդակցվեցինք: Վերլուծեցինք սխալնե-րը, եւ ապագայի համար դպրոցական դասագր-քերում նման թերություններ չեն լինի: Հեղինակ-ներն ու իրատարակչությունները բավական ժա-մանակ պետք է ունենան դասագրքերի վրա աշ-խատելու համար:

- Անդրադառնանք ներկայացնելուն, բայց ոչ նրան, ինչը շնորհանքային պայմանում էր երեսուն, ուզում եմ կուլիսներ առաջնորդել մեր ընթերցո-ղին: Հավանական փոփոխությունների Ձեր տես-լականը հասարակության համար արդեն հայտնի է, պարզորոշ է, առավել հետաքրքիր կլինի, թե ինչ-պե՞ս եւ ե՞րբ կիրականացվեն բարեփոխումները:

Հետաքրքիր է, թե ինչպե՞ս է պատկերացնում նախարարը աշակերտակենտրոն դպրոցը, դպրոց, որտեղ աշակերտը գոի է ֆիզիկական միջավայ-րից, բովանդակությունից... առանձնացնե՞ք թե-կուզ անվտանգությունը: Ի՞նչ կանե՞ք դրա համար: Բավական են, թե՞ ոչ տեսախցիկները, ոստիկա-նը՝ դպրոցի մոտ կամ մանրատուրը՝ դպրոցում:

- Ուրիշ տեղ ներդրված, թեկուզ հաջողված դա-րոցական մոդելի ուղղակիորեն ներդրելը անհնա-րին է: Մենք մեր իրականությունը պիտի հաշվի առնենք: Դպրոցի բովանդակությունն ու միջավայ-րը աշակերտին եւ ուսուցչին ցանկալի պետք է լի-նեն: Ծնողը պետք է հավատա, որ նրա երեխան անվտանգ միջավայրում է: Նման միջավայրի ստեղծ-ման համար անհրաժեշտ է ինչպես դպրոցի ման-դատուրի, այնպես էլ՝ դպրոցի հոգեբանի դերի հաշ-վառում, կարելու է նաեւ ծնողի, աշակերտի եւ դա-րոցի փոխհամագործակցությունը: Երբ այդ կապը գոյություն ունի, երբ գործընթացում նրա յուրա-քանչյուր մասնակից համահավասար է ընդգրկ-ված, ձեւը գտնելն ավելի հեշտ է: Կարող է արդ-յունք տալ ակունքային աշխատանքը, հայտնի եւ հաջողված մարդկանց օրինակն ու նրանց ներգ-րավումը, սպորտային միջոցառումները, կինոֆիլ-մերի ցուցադրությունը եւ քննարկումը, գրողների հյուրընկալումն ու նրանց հետ զրույցը, տարբեր բնույթի դպրոցական միջոցառումները:

Մենք արդեն սկսել ենք մեր տեսլականի եւ դպրոցական բարեփոխման մեկ մոդելի ներդրու-մը Թբիլիսիի սովորական դպրոցներից մեկում: Նո-յեմբերին արդեն կկարողանանք առաջին արդ-յունքները հաշվել, կտեսնենք, թե ինչն է լավ աշ-խատել, որտեղ է եղել ընդհատում, կվերլուծենք տվյալները եւ դրա հիման վրա կորոշենք, արդյոք ներդնել՝ դրանք, թե՞ ոչ այլ դպրոցներում: Մոդելը նախատեսում է ինչպես դասի գործընթացում փո-փոխություններ իրականացնելը, այնպես էլ՝ հա-մագործակցություն մի կողմից գործընկերների, մյուս կողմից՝ ուսուցիչների, ծնողների եւ աշա-կերտների հետ: Եթե համագործակցությունը չկա-յացավ, առանձին օղակների թեկուզ ճիշտ գործու-նեությունը չի ստեղծի անվտազ դպրոցական մի-ջավայր:

Փորձնական դպրոցն ընտրել ենք պատահա-կանության սկզբունքով, առանձնահատուկը չենք փնտրել, քանի որ այստեղ ստացված արդյունք-ները այլ դպրոցներում էլ ենք ընդհանրականաց-նելու: Տարեվերջին արդեն կունենաք որոշ չափով պարզ պատկեր եւ այս մոդելի մանրամասներն ու արդյունքները համրայնորեն կքննարկենք: Եթե պարզվի, որ դրանք բավարար են, որի մեծ հույսն ունենք, բարեփոխումները մինչեւ 2023 թվականը կընդգրկեն Վրաստանի բոլոր դպրոցները:

- Ինչպե՞ս կընթացի նախարարը ուսուցչին, որին կցանկանա տեսնել դպրոցական դասասե-յակում կամ նրանից դուրս: Ի՞նչ կանե՞ք, այն բա-նի համար, որպեսզի ուսուցչություն ցանկացող մարդիկ կարողանան հեշտությամբ ընդգրկվել մաս-նագիտության մեջ:

- Իդեալական իրավիճակ է, երբ մարդն իր սի-րած գործն է անում: Պատահական մարդիկ չպետք է ընտրեն ուսուցչի մասնագիտություն, այս մաս-նագիտությունը չպետք է ընտրեն միայն նրա հա-մար, որ այլ աշխատանք չունեն: Երբ ինքը եւ ու-րախ արածիդ համար, այդ ուրախությունը ուրիշ-ին էլ եւ փոխանցում: Ուսուցչությունը շատ դժվար մասնագիտություն է, դրա համար էլ ընտրությու-նը պետք է կամխամտածված լինի: Բնական է, որ այս դժվար գործունեությունը համապատասխան պիտի գնահատվի վարձատրությամբ, ուսուցչի սո-ցիալական կարգավիճակով...

Մենք մտածում ենք, որ 2022 թվականին ու-սուցչի նվազագույն աշխատավարձը պետք է կազմի

1500 լարի: Շատ կարելու է ուսուցչի մասնագի-տության մեջ նոր մարդկանց ներգրավումը, որոնց ամանցանելի խոչընդոտների առջեւ չպետք է կանգ-նեցնենք, կանոնակարգերը նվազագույնի պետք է հասցնենք:

Այստեղ հարկ է նշել, որ ոչ մի դպրոցական մի-ջավայր, ժամանակակից տեխնոլոգիաներ չեն տա ցանկալի արդյունք, եթե կրթական համակարգը արժեզրկվի: Ուսուցիչ պետք է լինի նա, ով առար-կայական իմացության հետ աշակերտներին այս արժեքներն էլ կփոխանցի անձնական օրինակով կամ տարբեր հմտությունների զարգացմամբ: Գի-տակցում են՝ դժվար է, բայց այլ կերպ ավելի լավ հասարակություն չենք դաստիարակի:

- Ինչպե՞ս օգնենք ուսուցչին մասնագիտական զարգացման մեջ: Ընդհանուր առմամբ, ինչպիսի՞ն կլինի նրանց մասնագիտական զարգացման ու-ղին, եւ ի՞նչ է սպասվում նրանց այդ ճանապար-հին:

- Ուսուցչությունը՝ ուսուցանման հետ միասին, ուսանում է, որը շարունակվում է ողջ կյանքում: Ուսուցիչը պետք է հոգ տանի իր մասնագիտական զարգացման համար եւ դրա համար ժամանակ ու ռեսուրսներ ունենա: Ուսուցչի տունը այս մասնա-գիտության մարդկանց պետք է առաջարկի նրանց կարիքներին համապատասխան վարժանքներ, որոնց ձեւաչափը եւ բովանդակությունը եւս պա-հանջում են փոփոխություններ: Անհրաժեշտ է նրանց ապահովել ժամանակակից կրթական ռե-սուրսներով, ավելի շատ բանավեճ խնդիրների շուրջ, գործընկերների կողմից փորձի փոխանա-կում: Ուսուցիչներին պետք է առաջարկեք կանո-նակարգերին համապատասխան ծառայություն-ներ եւ վստահեցնենք, որ եթե կարիերայի առա-ջընթացի սխեմայում ինչ-որ կանոնակարգ կա, դա նրանց մասնագիտական զարգացման համար է:

- Բարեփոխումը ներկայացնելիս՝ շեշտադրե-ցիք «Դրական կրթությունը» եւ «Կրթության մատ-չելիությունը»: Ի՞նչ է ենթադրում այս հայտարա-րությունը:

- Բարեփոխումն առանձին խնդիրների մաս-նակի կարգավորումն չէ, այն ամբողջ համակար-գի վերափոխումն է եւ նրանում առկա բացթողում-ների հաջորդական վերացում: Դպրոցները փուլ առ փուլ պետք է անցնեն էլեկտրոնային կառա-վարման: Նշեն նաեւ, որ մենք չենք կողմնորոշ-ված քանակի վրա եւ դրանով դուր գալու, մտա-ծում ենք որակի մասին: Բարեփոխումը կենդա-նի գործընթաց է, ժամանակ առ ժամանակ ի հայտ են գալիս նոր անհրաժեշտություններ եւ համա-կարգը համապատասխանաբար ճկուն պետք է լինի այդ մարտահրավերներին դիմակայելու հա-մար:

Առաջին հերթին, կարգավորված, ժամանա-կակից դպրոցական ենթակառուցվածքը, որի ստեղծումն հեշտ չէ եւ ոչ էլ շուտ կստացվի, բայց դա չի նշանակում, որ այս ուղղությամբ չենք աշ-խատում: Երթակառուցվածքի կարգավորման հա-մար առանձնացված ծախսերը հաջորդ տարվա բյուջեում կկրկնապատկվեն: Դրա հետ միասին, դպրոցները պետք է ապահովվեն ժամանակա-կից տեխնոլոգիաներով:

- Անպայման պետք է հարցնեմ, Ձեր բարեփո-խումների շրջանակներում ինչպիսի՞ն պիտի դառ-նա դպրոցի տնօրենը:

- Տնօրենը պետք է լինի մարդ, ով գիտի կր-թության համակարգը եւ նրա մարտահրավերնե-րը, ունի կառավարչի ունակություն-հմտությու-ններ, կարող է կայացնել որոշում եւ պատասխա-նատվություն կրել դրա համար, առաջնորդ է, եւ կարող է հաշվարկել հավանական արդյունքնե-րը: Տնօրենը պետք է լինի ազատ, պատասխա-նատվություն կրի դպրոցի ներքին բարեփոխմ-ների համար եւ արդյունավետ որոշումներ կա-յացնի: Դա հեշտ չէ, բայց ավելի շատ ազատու-թյան եւ պատասխանատվության պայմաններում հնարավոր է:

- Ինչո՞ւ պետք է հավատա մեր անագրի ըն-թերցողը խոստմանը, որ Ձեր գործունեությունը արդյունավետ եւ կայուն կլինի: Եվ այստեղ ո՞րն է Ձեր գլխավոր ուղերձը «Ուսուցչի» ընթերցո-ղին:

- Այս հարցի պատասխանը մեր իրականաց-րած բարեփոխումները կտան: Բարեփոխման կայունությունը եւ արդյունավետությունը առան-ձին մարդկանցից, ով պայմանավորված չի լինի եւ նրանց փոխվել փոփոխություններ չի առա-ջացնի:

Գլխավոր ուղերձն էլ կրթության եւ արժեքնե-րի հետ է կապվում. կրթությունն, իսկապես, ազա-տություն է, բայց այս ճանապարհն անցնում է պա-տասխանատվության միջով:



ՄԱԳԹԻԻ ԱՌԱՋԱՐԿՈՒԹՅՈՒՆԸ ՏԱՐԱԾԱՇԻՋԱՆՆԵՐԻՆ

ՀԱՄԱՑԱՆՑ, ՀԵՌՈՒՍԱՏԵՍՈՒԹՅՈՒՆ ԵՎ
ԱՌԱՆՑ ԼԻՄԻՏԻ ԽՈՍԱԿՑՈՒԹՅՈՒՆ ԲԶՋԱՅԻՆՈՎ,
ԱՄՍԱԿԱՆ՝ 29 ԼԱՐԻՈՎ



Օպտիկական – մանրաթելային համացանց
20 մգ/վրկ փաթեթ



IP հեռուստատեսություն
Վերափաթեթավորման գործառույթով – 99 ալիք



Բջջային հեռախոս
Մերվիս «Մերոնք», առանց լիմիտի
խոսակցություն Մագթիկոմի բջջային
ցանցով ընտանիքի 4 անդամների միջև



Նվեր
• Wi-Fi սարք տանը՝ համացանցի ազդանշանի տարածման համար
• Հեռուստատեսության 1 լրացուցիչ փաթեթ

Ծրագրերի մուտքագրումը՝ անվճար

Առաջարկությունը ուժի մեջ է միացումից հետո 2 տարվա ընթացքում



Կապվեք՝ 11 00 11 - բջջային ցանցով,
032 217 00 00 – ցանկացած ցանցով

www.magticom.ge

Մագթիկոմի ցանցով հեռախոսագանգը անվճար է:

ՄԻՋԱՂԵՊ

ՄԻՍԼԵԱԼԱՔԻ. ԾԵԾԿՈՏՈՒՔԸ` ԼԱՐՎԱԾՈՒԹՅԱՆ ՊԱՏՃԱՌ ՔԱՂԱՔԱԿԱՆ ԴԱՇՏՈՒՄ

Յոկտեմբերի 30-ի միջադեպը, որի շուրջ ընդդիմությունը, առանձին ՁԼՄ-ները, առանց հոգնելու նոր մանրամասներ ու եզրահանգումներ են ներկայացնում, Ախալքալաքիում սկսվել էր ավելի վաղ` դրա սաղմները որոշակի առումով արդեն նկատելի էին ընտրական քարոզարշավի հենց սկզբից: Օրինաչափ հարց է ծագում` վերջին հաշվով ի՞նչ է տեղի ունեցել Ախալքալաքիում, որի արդյունքում «Ուժը միասնության մեջ է» շարժման 4 ակտիվիստ հայտնվել է հիվանդանոցում:

Իսկ տեղի է ունեցել հետեւյալը. ընդդիմության նախագահական թեկնածուի կողմնակիցները, քարոզարշավի հենց սկզբից իրենց զինանոցը համալրելով սպառնալիքի, վախեցնելու, բռնի ուժի, սադրանքի, նենգաշորթման մեխանիզմներով, ոտնահարելով արդարացի, ժողովրդավարական մրցակցության բոլոր սկզբունքները, բոլոր հնարավոր եւ անհնարին միջոցներով անհաջող փորձեր էին անում Ախալքալաքիի եւ Նինոծմինդայի շրջաններում արգելքներ հարուցել Սալոմե Ջուրաբիշվիլու օգտին տարվող քարոզչությանը: Դա հիմնականում արտահայտվում էր վերջինիս քարոզարշավի պաստառների վերացման, քարոզարշավում ներգրավված մարդկանց սպառնալիքի ու վախեցնելու մաս: Նման վարվելաձևերը պահպանվեց նաեւ ընտրությունների օրը` հոկտեմբերի 28-ին, թեպետ իր կիզակետին հասավ հաջորդ օրը:

Սկոյան եղբայրների կողմից ներկայացված տեսաիտվակում պարզ երեւում է, թե ինչպես են Գրիգոր Վաշաձեի կողմնակիցները նրանց պատկանող բենզալցակայանում պոկում Սալոմե Ջուրաբիշվիլու պատկերով պաստառները, բռնություն ցուցաբերում այդտեղ աշխատող մարդկանց նկատմամբ:

Հաջորդ օրը, գիշերը, «Միասնական ազ-

գային շարժման» Գ.Վաշաձեի ախալքալաքյան շտաբի գրասենյակի մոտ շաբաթների ընթացքում կուտակված վիրավորանքը ժայթքեց Վաշաձեի շտաբի կողքով անցնող բենզալցակայանի աշխատողների եւ «ակտիվիստների» միջեւ վերածվելով ֆիզիկական ընդհարման:

Միացյալ ընդդիմության ներկայացուցիչների պնդմամբ, նրանց ակտիվիստների վրա հարձակվել են Սալոմե Ջուրաբիշվիլու կողմնակիցները: Նրանց խոսքով, Ախալքալաքիից եւ Նինոծմինդայից Վրաստանի խորհրդարանի մեծամասնական պատգամավոր Ջենգել Սկոյանը, նրա եղբայրը, որդիների եւ մի խումբ կողմնակիցների հետ միասին, ծեծել են Միացյալ ընդդիմության ներկայացուցիչներ Միքայել Աղաբաբյանին, Աբրահամ Աբրահամյանին եւ Աշոտ Ռախայանին: «Ուժը միասնության մեջ է» Ախալքալաքիի շտաբի պետ Աշոտ Ռախայանի խոսքով, նրանք նստած էին գրասենյակում, երբ Մարտուն Սկոյանը, նրա որդին, եղբոր որդիները եկել եւ ծեծել են աշխատակիցներին: Եկողները մոտ 40 հոգի էին, իսկ աշխատակիցները` ընդամենը 5-6: Աշոտ Ռախայանը ասում է, որ նրան ծեծի են ենթարկել ատրճանակի կոթով:

Իր հերթին, «Վրացական երազանքի» կողմնակիցները գտնում են, որ դա «ազ-

գայնականների» կողմից իրականացված սադրանք էր:

Պատահարի առիթով, Ջենգել Սկոյանը տարածել է հայտարարություն, որտեղ մասնավորապես նշված է, որ` հոկտեմբերի 29-ի ուշ գիշերը, իրենց ընտանիքին պատկանող բենզալցակայանում տեղի ունեցածը «Ազգային շարժման» եւ Գրիգոր Վաշաձեի շտաբի անդամների կողմից կազմակերպված եւ կառավարվող սադրանք էր:

Սկոյանի հավաստմամբ, նշված փաստը հաստատված է բենզալցակայանում տեղադրված տեսախցիկի նկարահանած տեսանյութում, որը տարածվում է համացանցում, մանրամասն երեւում է, ինչպես են Վաշաձեի շտաբի անդամները պոկում Սալոմե Ջուրաբիշվիլու պաստառները, հարձակվում այդտեղ աշխատող անձանց վրա, սպառնում, նախագահի թեկնածու Սալոմե Ջուրաբիշվիլուն աջակցելու դեպքում, ֆիզիկական հաշվեհարդարով:

- Սա ինքնաբերական հարձակումն էր միայն մեկ օբյեկտի վրա: Նույն ավտոմեքենայով տեղաշարժվող անձինք այդ երեկո նման հարձակում են գործել նաեւ այլ բենզալցակայանի վրա: Իսկ այսօր` հոկտեմբերի 30-ին, այն բանից հետո, երբ մեր կողմնակիցները հարձակվողներից պահանջել են բացատրություն, մեկնաբանություն, ի պատասխան ստացել են նոր սպառնալիք ու վիրավորանք, որը վերաճել է ֆիզիկական առճակատման,- հայտարարել է խորհրդարանի անդամ Ջենգել Սկոյանը:

Ավելացնենք, որ «Միասնական ազգային շարժման» նախագահի թեկնածու Գրիգոր Վաշաձեն Ախալքալաքիում այցելել է

շրջանային հիվանդանոցում գտնվող իր կողմնակիցներին: Տուժածներից մեկին տեղափոխել են Թբիլիսի: Հաջորդ օրը Թբիլիսի են տեղափոխել նաեւ մնացած տուժածներին:

Այս փաստով հարուցվել է քրեական գործ` համաձայն Վրաստանի Քրեական օրենսգրքի 239-րդ հոդվածի:

Վրացական ՁԼՄ-ները լցված են հոկտեմբերի 30-ին, ժամը 14:00-ին Ախալքալաքիի կենտրոնում գտնվող «Միասնական ազգային շարժման» նախագահության թեկնածու Գրիգոր Վաշաձեի շտաբի մոտ տեղի ունեցած ծեծկռտուքի մասին պատմող նյութերով:

«Վրացական երազանքի» ախալքալաքյան ներկայացուցիչը, հանձին Ախալքալաքիի շրջանային կազմակերպության ղեկավար Գայոզ Լոմսաձեի, միջադեպի առթիվ լրագրողներին ասաց, որ հոկտեմբերի 30-ին, ժամը 14:00-ին տեղի ունեցածը փաստորեն Սկոյաններին պատկանող բենզալցակայանում հոկտեմբերի 29-ի լույս 30-ի գիշերվա միջադեպի շարունակությունն էր, որի ժամանակ տուժված «ակտիվիստները» պոկում էին Սալոմե Ջուրաբիշվիլու պաստառները, հայիոյում, սպառնում կայանի աշխատակիցներին: Հաջորդ օրը, այսինքն` հոկտեմբերի 30-ին, կայանի 2-3 աշխատակիցներ, անցնելով «ազգայինների» շտաբի կողքով, պատահական հանդիպել են ուշ գիշերին իրենց «այցելածներին», եւ այդ հանդիպումն ավարտվել է ծեծկռտուքով:

ՅՈՒՐԻ ՊՈՂՈՍՅԱՆ

ԻՐԱԿԼԻ ԿՈՐԱԽԻՁԵ. «ՄԵՆՔ ԼԻՈՎԻՆ ԱՋԱԿՑՈՒՄ ԵՆՔ ԴԵՆՁԵԼ ՄԿՈՅԱՆԻՆ»

- Մենք լիովին աջակցում ենք մեր թիմակից Ջենգել Սկոյանին,- անդրադառնալով Ախալքալաքիում տեղի ունեցած միջադեպին` նոյեմբերի 2-ին ասաց Վրաստանի խորհրդարանի խոսնակ Իրակլի Կոբախիձեն:

Նա շեշտել է, որ «Վրացական երազանք»-ի աջակցությունը վայելող նախագահի թեկնածու Սալոմե Ջուրաբիշվիլին բարձր արդյունք է գրանցել Ախալքալաքիում եւ Նինոծմինդայում, ինչը մտահոգել է «Միացյալ ազգային շարժման» անդամներին:

«Ազգային շարժման» անդամները սխալ մեթոդներ են կիրառել: Արդյունքը Ախալքալաքիում տեղի ունեցած միջադեպն է: Մեր լիարժեք աջակցությունն ենք հայտնում Ջենգել Սկոյանին: Իհարկե, կիոգանք այն մասին, որ եւս մեկ անգամ բարձր արդյունք ունենանք Ախալքալաքիում եւ Նինոծմինդայում: Ջենգել Սկոյանը մեր թիմի արժանի անդամն է,- ասել է Իրակլի Կոբախիձեն:

Նրա խոսքով, Ախալքալաքիում, ընդդիմադիր «Միացյալ ազգային շարժման» անդամները սադրիչ գործողություններ են իրականացրել:

- Վստահ ենք` բոլոր հարցերին պատասխան կտա հետաքննությունը: Սակայն մեր տեղեկատվությամբ, որը հաստատվում է, վիճաբանությունը սկսել է հենց «Միացյալ ազգային շարժումը»: Նրանք սադրանքը սկսել են տեղի բենզալցակայաններից մեկում: Մենք «Ազգային շարժման» անդամներին կոչ ենք անում զերծ մնալ սադրանքներից, այլապես դրանք օրենքի շրջանակներում խիստ արձագանքի կարժանանան,- հայտարարել է խորհրդարանի նախագահ Իրակլի Կոբախիձեն:

ԳԻՈՐԳԻ ԳԱԽԱՐԻԱ. «ՄԻՋԱՂԵՊԻ ՏՈՒԺՎԱԾ ԿՈՂՄԸ ԴԵՏԱՔՆՆՈՒԹՅԱՆ ԴԵՏ ԶԻ ՀԱՄԱԳՈՐԾԱԿՑՈՒՄ»

Վրաստանի ներքին գործերի նախարար Գիորգի Գախարիայի տեղեկատվությամբ, Ախալքալաքիում տեղի ունեցած միջադեպի առթիվ մեղավոր են երկու կողմերն էլ: Նախարարը հայտնեց, որ հետաքննության շրջանակներում որոշակի խնդիրներ են առաջացել, քանի որ տուժող կողմը չի ցանկացել վկայություն տալ:

- ՆԳՆ-ն քննում է գործը: Որքան տեղյակ եմ վկայությունների փուլն այսօր կավարտվի, մեղադրանք կներկայացվի երկու կողմի մասնակիցների նկատմամբ,- հայտարարել է Գիորգի Գախարիան:

Լրագրողների հարցին, թե արդյոք տեղի ունեցածը սադրա՞նք էր, նախարարը պատասխանել է, որ դա արդեն ճշմանկություն չունի:

- Սադրանքը չի ճշմանակում, որ պետք է ֆիզիկական բռնություն գործադրել,- նկատել է նա:

ԱՐԶԻԼ ԹԱԼԱԿԱՍՁԵ. «ԴԵՆՁԵԼ ՄԿՈՅԱՆԻ ՆԿԱՏՄԱՍԲ ԱՆՁԵՌՆՄԻՆԼԻՈՒԹՅՈՒՆԸ ՀԱՆԵԼՈՒ ԵՎ ԼԻԱԶՈՐՈՒԹՅՈՒՆՆԵՐԻ ԴԱՂԱՐԵՑՈՒՄ ԶԻ ԼԻՆԻ»

Ջենգել Սկոյանի նկատմամբ անձեռնմխելիությունը հանելու, լիազորությունները դադարեցնելու մասին խոսք անգամ լինել չի կարող: Այդ մասին երկել` նոյեմբերի 2-ին, «Վրացական երազանք» կուսակցության կենտրոնակայանում անցկացված մամլո ասուլիսում հայտարարեց խորհրդարանական մեծամասնության լիդեր Արչիլ Թալակվաձեն:

Ինչպես նշեց խորհրդականը, մի քանի օր է, ինչ Ջենգել Սկոյանի դեմ անձնական հարձակում է տարվում:

- Արդեն մի քանի օր է, ինչ անձնական չհիմնավորված հարձակում է իրականացվում մեր գործընկերոջ, մեծամասնության եւ խորհրդարանի անդամ Ջենգել Սկոյանի դեմ, ով խորհրդարանում ներկայացնում է Սամցխե-Ջավախեթի երկրամասը: Ընդդիմությունը բարձրացնում է չհիմնավորված պահանջներ, որ նրա անձեռնմխելիությունը հանվի կամ լիազորությունները դադարեցվեն: Ցանկանում են անմիջականորեն պատասխանել, անձեռնմխելիության հանում, լիազորությունների դադարեցում նրա նկատմամբ չի լինի: Ջենգել Սկոյանը մեզ հետ միասին շարունակում է պայքարն ու իր գործունեությունը` ի բարօրություն մեր երկրի լավագույն ապագայի: Մենք երկրորդ փուլում շատ ավելի լավ արդյունքների կհասնենք Սամցխե-Ջավախեթիում: Ակնհայտ է, որ «Ազգային շարժման» զայրույթն ու նրանց կողմից հարձակումները հենց նրանով էին պայմանավորված, որ Սկոյանն ու «Վրացական երազանքը» Սամցխե-Ջավախեթիում հասան բարձր արդյունքների,- հայտարարեց Թալակվաձեն:

Թալակվաձեն անդրադարձավ նաեւ Ախալքալաքիում տեղի ունեցած միջադեպին եւ հայտարարեց, որ այդ արշավը` սկսել է «Ազգային շարժումն» ու Գրիգոր Վաշաձեի շտաբը:

- Իրականում, տեսագրություններով հետաքննությունն արդեն սկսվել է: Հուսով եմ, որ հետաքննությունը կպարզի իրողությունը, թեպետ ստացված տեսանյութերը, որոնք նկարահանել է բենզալցակայանում տեղակայված տեսախցիկը, հստակորեն ցույց են տալիս, որ հենց Վաշաձեի կողմնակիցների կողմից էր ծանրագույն սադրանքը, վիրավորանքը, պաստառների պատառնոտումն ու բռնության ցուցադրումը: Հետեւաբար, իրավապահներին կոչ են անում, որ այլ հանգամանքների հետ միասին, մեծ ուշադրությամբ գնահատեն նաեւ տույն հանգամանքը: Մենք մերժում ենք բռնության բոլոր դրսևորումները: Վրաստանում ընտրություններն անցան հանգիստ: Բռնությունը այն` մեթոդն է, որը ժամանակին ծառայում էր «Ազգային շարժմանը»: «Վրացական երազանքը» երբեք բռնությամբ չի ձգտել հաղթանակի: Հասարակությունը պետք է գնահատի, թե իրականում ինչպես է տեղի ունենում նման գործընթացների անցկացումը,-հայտարարեց Արչիլ Թալակվաձեն:

«ԱՋԳԱՅԻՆՆԵՐԸ» ՊԱՅԱՆՋՈՒՄ ԵՆ ՊԱՏԺԵԼ ՄԻՋԱՂԵՊԻ ՄԵՂՎՈՐՆԵՐԻՆ

Ախալքալաքիում տեղի ունեցած միջադեպից հետո, նախագահի թեկնածու Գրիգոր Վաշաձեի շտաբը պահանջել է Ջենգել Սկոյանին զրկել պատգամավորական անձեռնմխելիությունից:

Շտաբից նաեւ կոչ են անում իրավապահներին հարցաքննել «կազմակերպված հանցավոր խմբի ղեկավարին»:

Ընդդիմադիր թեկնածուի նախընտրական շտաբի ղեկավար Գիորգի Վաշաձեի խոսքով, իրավապահները համարժեք չեն արձագանքել տեղի ունեցածին:

Նրա խոսքով, հարձակումը տեղի է ունեցել առավոտյան ժամը 11:00-12:00-ի ընթացքում, երբ շտաբի ներկայացուցիչներն ընտրական խախտումների մասին արձանագրություններն էին բերում ներկայացնելու: Վաշաձեն պնդում է նաեւ, որ պատգամավոր Ջենգել Սկոյանն անձամբ մասնակցել է ծեծկռտուքին: Բացի այդ, ըստ նրա, զինված մարդիկ են եղել:

Շտաբի ղեկավարը տեղեկացրել է, որ միավորված ընդդիմությունը նախընտրական շրջանում տեղի ունեցած միջադեպերի հետաքննության հատուկ քննչական խումբ է ստեղծվել: Ընդդիմությունը կոչ է անում փորձագետներին ու փաստաբաններին ներգրավվել քննչական խմբի աշխատանքներում:

ՆԻՆՈ ԼՈՍՋԱՐԻԱ. «ԱՄԻԱԼՔԱԼԱՔԻԻ ՄԻՋԱՂԵՊԸ ՔԱՂԱՔԱԿԱՆ ԴՐՊՊԱՏՏԱՐՆԵՐ ՈՒՆԻ»

Ախալքալաքիում տեղի ունեցած միջադեպի վերաբերյալ, Վրաստանի մարդու իրավունքների պաշտպան Նինո Լոմջարիան հայտարարեց, որ տեղի ունեցածը քաղաքական դրդապատճառներ ունի` ընդդիմախոսների հանդեպ ագրեսիան, ըստ նրա, նկատելի էր ինչպես մինչեւ ընտրությունների առաջին փուլը, այնպես էլ` հիմա:

- Ընդդիմախոսների նկատմամբ ագրեսիան ակնհայտ է: Նկատի ունեն բանավոր ագրեսիան, ատելությունն ու ապատեղեկատվությունը, որ արտահայտվում էր սոցիալական ցանցերում: Ախալքալաքիի միջադեպի հարցով երեւում է, որ շարժառիթները քաղաքական են,- հայտարարեց Լոմջարիան եւ ընտրական գործընթացում ներգրավված կողմերին կոչ արեց զերծ մնալ սադրիչ գործողություններից ու բռնություններից:

ՀԱՅԱՍՏԱՆ - ԱՐՅԱԽ. Փապրեր, իրադարձություններ

«ՎՐԱՍՏԱՆԻ», ԱՐՄԵՆԱՐԵՍԻ, ՊԱՆԱՐՄԵՆԻԱՆԻ ԵՎ ԿԱՎԱԶՊՐԵՍԻ ՆՅՈՒԹԵՐՈՎ

ԱԶԳԱՅԻՆ ԺՈՂՈՎԻ ԱՐՏԱՆԵՐԸ ԸՆՏՐՈՒԹՅՈՒՆՆԵՐԸ՝ ԴԵԿՏԵՄԲԵՐԻ 9-ԻՆ

(Սկզբը՝ 1-ին էջում)

Հանրությանը հայտնի է, որ Հայաստանի վարչապետի պաշտոնում Նիկոլ Փաշինյանի թեկնածության առաջադրումը ֆորմալ բնույթ էր կրում, քանի որ Ն.Փաշինյանն իր քաղաքական թիմի հետ միասին շահագրգռված էր, որպեսզի Ազգային ժողովը ինչպես առաջին, այնպես էլ երկրորդ անգամ չհաստատեր վարչապետի թեկնածությունը, եւ, դրանից ելնելով, նշանակվեն խորհրդարանի արտահերթ ընտրությունները:

Ըստ Հայաստանի Հանրապետության սահմանադրության, խորհրդարանի ցրումը եւ արտահերթ խորհրդարանական ընտրությունների նշանակումը հնարավոր է միայն այն դեպքում, եթե Ազգային ժողովը երկու շա-

բաթվա ընթացքում երկու անգամ չի ընտրում վարչապետ: Նիկոլ Փաշինյանի դաշնակից խորհրդարանականների խոսքով, նրա առաջադրումը վարչապետի պաշտոնում տակտիկական քայլ է, որն ուղղված է սահմանված ընթացակարգի պահպանմանը:

Հիշեցնենք, որ, ներկա դրությամբ, Հայաստանի Ազգային ժողովում խորհրդարանական մեծամասնություն ունի Հանրապետական կուսակցությունը, որի ղեկավարի՝ երկրի նախկին նախագահ Սերժ Սարգսյանի վարչապետի պաշտոնում ընտրվելը, 2018 թվականի գարնանը հանգեցրեց բազմա-հազարանոց բողոքի ցույցերի: Հակա-կառավարական ելույթների արդյունքում, Սերժ Սարգսյանը ստիպված եղավ թողնել վարչապետի պաշտոնը:

Բազմաժողովարանոց գործողություն-

ները խորհրդարանին պարտադրեցին վարչապետ ընտրել բողոքարկող շարժման ղեկավար, ընդդիմադիր խորհրդարանական Նիկոլ Փաշինյանին, թեպետ նա էլ, իր հերթին, հոկտեմբերի 16-ին պաշտոնաթող եղավ եւ այդ ուղիով փորձեց հասնել արտահերթ խորհրդարանական ընտրությունների:

Մինչեւ Նիկոլ Փաշինյանի պաշտոնաթողությունը, նրա կողմից գլխավորած խորհրդարանական կոալիցիան համոզիչ հաղթանակի հասավ Երեւանի ավագանու ընտրություններում՝ հավաքելով ռեկորդային 80%: Ինչպես հայտարարել է Նիկոլ Փաշինյանը, Հայաստանի Ազգային ժողովում ուժերի ներկայիս բաշխումը չի արտահայտում ժողովրդի կամքը, ահա ինչու, անպայման պետք է անցկացվեն արտահերթ խորհրդարանական ընտրություններ:

ԱԶԳԱՅԻՆ ՓՈՔՐԱՄԱՍՆՈՒԹՅՈՒՆՆԵՐԸ ԻՐԵՆՅՑ ՏԵՄԵՆՈՒՄ ԵՆ ԻՇԽԱՆԱԿԱՆ ՈՒԺԻ ՅՈՒՅԱԿՈՒՄ

Հայաստանի Ազգային ժողովում ազգային փոքրամասնությունները ներկայացնող պարզամավորները ցանկություն են հայտնում առաջիկա խորհրդարանական ընտրություններում ընդգրկվել իշխանությունը ներկայացնող քաղաքական ուժի նախընտրական ցուցակում: Այդ մասին, մասնավորապես, հայտարարեցին ՀՀԿ խմբակցության քրդական համայնքի պարզամավոր Կնյազ Հասանովը, ՀՀԿ խմբակցության ասորական համայնքի պարզամավոր Արսեն Միխայիլովը, ՀՀԿ խմբակցության եզդիական համայնքի պարզամավոր Ռուստամ Մախմուդյանը, ուրիշներ:

Այս հարցում կառավարող Քաղաքացիական պաշտպանություն կուսակցության անդամ, Աժ «Ելք» խմբակցության ղեկավար Լենա Նազարյանը նշեց, որ իրենց քաղաքական ուժի ցուցակում, բնականաբար, կլինեն ազգային փոքրամասնության ներկայացուցիչներ:

-խմբակցությունների համար դա նաեւ պարզամավորություն է՝ նախատեսված ընտրական օրենսգրքով: Բացի պարզամավորությունից, լավ հնարավորություն է, որ ազգային փոքրամասնությունները նույնպես ներկայացված լինեն մեր ցուցակում,- ասաց Լենա Նազարյանը:

ՈՒՂԵՆՎԵՅԻՆ ԽԱՐԱՎ ԳՈՐԾԵԼՈՒՄՅՈՒՆ ԶԵՏԱԿԱ ՇՆԱՐԱՎՈՐ ԲԱՅԵՐԸ

Հոկտեմբերի 29-ին Հայաստանի վարչապետի պաշտոնակատար Նիկոլ Փաշինյանը հանդիպում ունեցավ ԵԱՀԿ Մինսկի խմբի համանախագահներ Իգոր Պոպովի (Ռուսաստան), Էնդրյու Շոֆերի (ԱՄՆ), Ստեֆան Վիսկոմի (Ֆրանսիա) եւ ԵԱՀԿ գործող նախագահի անցանկյան ներկայացուցիչ Անդեյ Կասպրիշկի հետ:

Հանդիպմանը կողմերը անդրադարձան Հայաստանում վերջին քաղաքական փոփոխություններից հետո ԼՂ հիմնախնդրի խաղաղ գործընթացի դիմադրական: Ձրույակիցները մտքեր փոխանակեցին այս տարվա սեպտեմբերի վերջին Դուշանբեում Հայաստանի վարչապետի եւ Ադրբեյջանի նախագահի միջեւ տեղի ունեցած հանդիպման եւ չեղք բերված պայմանավորվածությունների վերաբերյալ: Կողմերն ուղենշել են հետագա հնարավոր քայլերը:

ՆԵԱՆԱԿԱՆ ԱԶԳԱԿ՝ ՏԵՄԵՆՈՒԹՅԱՆ ՄԱԿԱՐԱՍԻ ԲԱՐՅՐԱՅՄԱՆ ՀԱՍԱՐ

Հայաստանի կառավարությունը հաստատեց «Երեխայի ծննդյան միանվագ նպաստի չափը սահմանելու, երեխայի ծննդյան միանվագ նպաստ նշանակելու եւ վճարելու կարգը հաստատելու մասին» որոշման փոփոխությունը, ըստ որի, երրորդ եւ հաջորդ երեխաների ծննդյան համար տրվող ընդամենական դրամազվիսի օգտագործվող ամսական առավելագույն գումարը 25.000 դրամից բարձրացվում է 50.000 դրամ: Ընդ որում, այսուհետ դրամազուխը կարելի է տնօրինել երեխայի ծննդյան պահից սկսած, նախկինում երեխայի մեկ տարին լրացած լինելու փոխարեն: Որոշումն ուժի մեջ է մտել նոյեմբերի 2-ից:

ՀԱՅԱՍՏԱՆ-ԱՄՆ. ԶՈՆ ԲՈԼԹՈՆԻ ՀԵՏ ՀԱՆԴԻՊՈՒՄԸ՝

ԴԻՎԱՆԱԳԻՏԱԿԱՆ ԽՈՇՈՐ ՆՎԱՃՈՒՄ



Նիկոլ Փաշինյանը նման հայտարարությամբ հանդես եկավ Ազգային ժողովում վարչապետի ընտրության հարցի քննարկման ժամանակ ունեցած եզրափակիչ ելույթի ընթացքում՝ անդ-

- ես հանդիպել եմ Բոլթոնի հետ, այդ հանդիպման ընթացքում նույնիսկ նվազագույն նյութական չի եղել, որ Հայաստանում եւ հայ ժողովրդի շրջանում անհանգստություն պետք է

Հայաստանի վարչապետի պաշտոնակատար Նիկոլ Փաշինյանը ԱՄՆ նախագահ Դոնալդ Թրամփի ազգային անվտանգության հարցերով խորհրդական Զոն Բոլթոնի եւ իր հանդիպումը համարում է դիվանագիտական խոշոր նվաճում:

րադառնալով Զոն Բոլթոնի՝ Հայաստան կատարած այցի շուրջ հնչող տարաբնույթ մեկնաբանություններին:

առաջացնի: Ես այս հանդիպումը համարում եմ մեզ համար խոշոր դիվանագիտական նվաճում, հետագայում կասեմ, թե ինչն է պատճառը, որ ես այսպես եմ ասում,- ասաց Փաշինյանը:

Փաշինյանը հավաստիացրեց, որ այդ հանդիպմանը ընթացքի բովանդակությունը որեւէ կապ չունի այն մտահոգությունների հետ, որոնք հնչում են հայկական իրականության մեջ:

Հիշեցնենք, որ Նիկոլ Փաշինյանը հոկտեմբերի

25-ին ընդունել է ԱՄՆ նախագահի Ազգային անվտանգության հարցերով խորհրդական Զոն Բոլթոնի գլխավորած պատվիրակությանը: Հանդիպման ընթացքում գրուցակիցները քննարկել են երկու երկրների հարաբերությունների օրակարգային մի շարք հարցեր: Կողմերը քննարկել են նաեւ միջազգային ասպարեզում, այդ թվում՝ տարածաշրջանում տեղի ունեցող գործընթացներին վերաբերող մի շարք հարցեր:

ՀԱՅԱՍՏԱՆԻ ՆԱԽԱԳԱԶԸ ՄԻՆՍԿՈՒՄ ՄԱՍՆԱԿՅԵՅ ՄԻԶԱԶԳԱՅԻՆ ԽՈՐՀՐԱԾՈՂՈՎԻՆ

Հայաստանի նախագահ Արմեն Սարգսյանը հոկտեմբերի 31-ին մասնակցեց Մինսկում անցկացվող Մյունխենի անվտանգության համաժողովի (Munich Security Conference) Հիմնական խմբի (MSC Core Group) հանդիպման՝ Արեւելք-Արեւմուտք հարաբերությունների քննարկմանը նվիրված կլոր սեղանին: Այն բացեց Բելառուսի նախագահ Ալեքսանդր Լուկաշենկոն, իսկ քննարկումները վարեց Մյունխենի անվտանգության միջազգային համաժողովի նախագահ Վոլֆգանգ Իշինգերը:

Նշենք, որ Մյունխենի անվտանգության համաժողովի Հիմնական խումբը միջազգային անվտանգության քաղաքականության հարցերի քննարկման ազդեցիկ եւ ներկայացուցչական հարթակ է, որը հնարավորություն է ընձեռում բարձրաստիճան մասնակիցներին քննարկել միջազգային անվտանգության քաղա-

քականության կարելուրագույն հարցեր:

Նոյեմբերի 1-ին Արմեն Սարգսյանը ելույթ ունեցավ տարածաշրջանային հակամարտությունների վերաբերող քննարկմանը:

Այցի շրջանակներում, Արմեն Սարգսյանը հանդիպում ունեցավ Բելառուսի նախա-



գահ Ալեքսանդր Լուկաշենկոյի հետ: Հանդիպմանը կողմերն ընդգծեցին հայ-բելառուսական հարաբերությունների բարեկամական եւ գործընկերային բնույթը:

ԸՆԴՈՒՆՎԵՑ ՀԱՄԱՆԵՐՈՒՄ ՀԱՅՏԱՐԱՐԵԼՈՒ ՄԱՍԻՆ ՕՐԻՆԱՆԱԽԱԳԻԾԸ

Նոյեմբերի 1-ին Հայաստանի Ազգային ժողովը, երկրորդ ընթերցմամբ եւ ամբողջությամբ, ընդունեց քրեական գործերով համաներում հայտարարելու մասին օրենքի նախագիծը: Նախագիծն կողմ քվեարկեց 75 պատգամավոր, դեմ եւ ձեռնպահ պատգամավոր չկար:

«Երեւունի-Երեւանի հիմնադրման 2800-ամյակի եւ Հայաստանի Առաջին Հանրապետության անկախության հռչակման 100-ամյակի կապակցությամբ քրեական գործերով համաներում հայտարարելու մասին» ՀՀ օրենքի նախագիծն առաջին ընթերցմամբ ընդունվել էր հոկտեմբերի 31-ին հրավիրված արտահերթ նիստում:

Օրենքի նախագիծով նախատեսված է համաներում հայտարարելու արդյունքում պատժից ազատել՝ առավելագույնը երեք տարի ժամկետով ազատությունից զրկելու հետ կապված պատժի դատապարտված այն անձանց, որոնց նկատ-

մամբ պատիժը պայմանականորեն չի կիրառվել, կամ պատժի կրումը հետաձգվել է, ազատությունից զրկելու հետ չկապված պատժների դատապարտված անձանց: Համաներում հայտարարելու արդյունքում պատժից ազատել առավելագույնը վեց տարի ժամկետով ազատազրկման դատապարտված՝ 1) առաջին կամ երկրորդ խմբի հաշմանդամներին, 2) սույն օրենքն ուժի մեջ մտնելու օրվա դրությամբ հղի կանանց, 3) սույն օրենքն ուժի մեջ մտնելու օրվա դրությամբ երեք կամ ավելի անչափահաս երեխա ունեցող անձանց, 4) սույն օրենքն ուժի մեջ մտնելու օրվա դրությամբ մինչեւ երեք

տարեկան երեխա ունեցող անձանց, 5) 60 տարին լրացած անձանց: Օրենքը կտարածվի հանցագործությունը մինչեւ 18 տարին լրանալը կատարած այն անձանց վրա, որոնք նախկինում դիտավորյալ հանցագործություն կատարելու համար ազատությունից զրկելու հետ կապված պատժ չեն կրել կամ կրել են, սակայն չունեն դատվածություն: Համաներում կլինի նաեւ այն անձանց նկատմամբ, որոնք Հայրենական մեծ պատերազմի, Աֆղանստանի, Հայաստանի կամ Արցախի Հանրապետության պաշտպանության համար մղված մարտական գործողությունների մասնակիցներ են կամ Հայաստանի Հանրապետության օրենսդրությամբ սահմանված կարգով հավասարեցված են նրանց կամ



ունեն բռնադատվածի կարգավիճակ եւ, միաժամանակ, նախկինում դիտավորյալ հանցագործություն կատարելու համար ազատությունից զրկելու հետ կապված պատժ չեն կրել կամ կրել են, սակայն չունեն դատվածություն: Նախագիծով համաներում է նախատեսված նաեւ մի շարք այլ դեպքերի համար:

ԵԿԵՂԵՑԱԿԱՆ

ՆՈՅԵՄԲԵՐ



04.11.2018 Ծայրագույն Պատրիարք եւ Ամենայն Հայոց կաթողիկոս, Ն.Ս.Օ.Տ.Տ. Գարեգին երկրորդի օծման 19-րդ տարեդարձը

06.11.2018 Սուրբ Մետրոփանոս, Աղեքսանդրոս եւ Պողոս Խոստովանող Սուրբ Հայրապետների եւ սուրբ նոտարների Մարկիանոսի ու Մարտիրոսի հիշատակության օր

08.11.2018 Հրեշտակապետեր Գաբրիելի ու Միքայելի եւ ողջ երկնային զորքի հիշատակության օր

ՏՐԱՆՍՊՈՐՏ

ԹԲԻԼԻՍԻ-ՌՈՒՍԹԱՎԻ. ՄՏՈՐԳԵՏՆՅԱ ՄԵՏՐՈՅԻ ՆԱԽԱԳԻԾ

Վրաստանի կառավարությունը եւ Թբիլիսիի քաղաքապետարանը սկսում են ստորգետնյա մետրոյի նոր նախագիծ:

Այս նախընտրյալ հայտնի դարձավ «կանաչ քաղաքականություն» ռազմավարական ծրագրի վավերացման առաջին փուլի՝ «կանաչ քաղաքականություն-էկոտրանսպորտ» նախագծի շնորհանդեսի ժամանակ:

Նախագծի համաձայն, մետրոն սկզբնական շրջանում Սամգորիի մետրոկայանը կապելու է Լիլոյի շուկան եւ օդանավակայանը: Շինարարական աշխատանքներն սկսվելու են 2019 թվականի վերջին: Տեղի է ունենալու Սամգորիի մետրոկայանի վերանորոգում եւ նոր գծի շինարարություն:

Սամգորի-Լիլոյի շուկա,



Սամգորի-օդանավակայան գծերի վրա երթելու է 6 գնացք, սպասման ժամանակը 10 րոպե: 2021 թվականից մինչեւ 2022-ը գործի է դրվելու 7 նոր մետրոկայան:

Մետրոյի զարգացման ծրագրով նախատեսվում է նաեւ ստորգետնյա ճանապարհով միմյանց կապել Թբիլիսին եւ Ռուսթավին:

Նախագծի առաջին փուլում, Սամգորի-Լիլոյի շուկա գծի վրա ծախսվելու է 90 մլն ԱՄՆ դոլար:

ՀՐԱՆՏԻ ԽԱՂԱՆՈՒ ՏՐԱՄԱԴՐՈՒԹՅԱՄԲ

ԹԲԻԼԻՍԻ ԿԵՆՂԱՆԱԲԱՆԱԿԱՆ ԱՅԳՈՒՄ ՎԻՐԱՅԱՏՈՒԹՅՈՒՆՆ ԱՎԱՐՏՎԵՑ ՀԱՋՈՂՈՒԹՅԱՄԲ



Բարդ վիրահատությունը տեւել է ավելի քան երեք ժամ:

- Վիրահատությունն անցել է հաջողությամբ, Հրանտը ոտքի վրա է, մենք բոլորս ուրախ ենք: Վերականգնման համար կպահանջվի երկու օր, ուստի վիրաբույժներն այդ ընթացքում կմ-

Հոկտեմբերի 31-ին, Թբիլիսիի Կենդանաբանական այգում, հաջողությամբ հեռացրել են 23-ամյա Հրանտ փղի երկրորդ ժանիքը: Նա արդեն ուշքի է եկել նարկոզից հետո: Բարդ վիրահատությունը կատարելու համար, Հրանտային Աֆրիկայից Թբիլիսի էին ժամանել ստոմատոլոգ-վիրաբույժ եւ անեսթեզիոլոգ:

նան այստեղ: Վարակի օջախը վերացված է: Փողը լավ տրամադրություն ունի եւ արդեն ցանկանում է խաղալ, պատմում է Թբիլիսիի Կենդանաբանական այգու տնօրեն Ջուրաբ Գուրիելի-ձեն:

Փղի առաջին ժանիքը, որը կոտրված էր, հեռացրել էին չորս տարի առաջ: Մեկ ժանիքի հեռացման համար պահանջվում է մի քանի ժամ, իսկ նարկոզի տակ նման խոշոր կենդանու երկարատեւ գտնվելը բավա-

կանին վտանգավոր է:

Մեր ընթերցողին հիշեցնենք, որ 6 տոննա կշռող Հրանտ փղին երեւանից Թբիլիսի էին բերել 2014 թվականի հունիսին: Այն ժամանակ Թբիլիսիի եւ երեւանի Կենդանաբանական այգիները որոշել էին «փոխանակում» կատարել. Թբիլիսից Մալկային «փեսացու» էր հարկավոր: Հրանտին բերեցին երեւանից, իսկ Մալկայի որդուն՝ 6-ամյա Բունկային, ուղարկեցին երեւան:

ԱՆՆԱ ՍԱՐԻԲԵԿՅԱՆ

ՄՊՈՐՏ

ԹԲԻԼԻՍԻՆ ՖՈՒՏԲՈՒԼԻ ԵՎՐՈՊԱՅԻ ԼԻԳԱՅԻ ԵԶՐԱՓԱԿԻՉ ՓՈՒԼԻ ԹԵԿՆԱԾՈՒ

Ինչպես տեղեկացնում է ՌԵՖԱ-ի (Եվրոպական ֆուտբոլի ֆեդերացիա) պաշտոնական կայքը, հնարավոր է, Թբիլիսին հյուրընկալի հեղինակավոր մրցաշարի՝ Եվրոպայի լիգայի եզրափակիչ փուլը:

ՌԵՖԱ-ն 2021 թվականին, ակունքային մրցաշարի եզրափակիչ փուլը հյուրընկալելու վերաբերյալ, հայտեր էր ընդունում սեպտեմբերի 28-ից հոկտեմբերի 26-ը: Առաջարկություններ ներկայացրեցին 11 անդամ երկրներ: Վերջին հայտը ներկայացնելու ժամկետը 2019 թվականի փետրվարի 15-ն է: Հյուրընկալ երկրները կանվանվեն 2019 թվականի մայիսին:

Թբիլիսիի հետ միասին, թեկնածության հայտ են ներկայացրել Ավստրիայի մայրաքաղաք Վիեննան եւ Իսպանիայի Սելիլիան:

ՇԱԽՄԱՏ. ԱՇԽԱՐՀԻ ԱՌԱՋՆՈՒԹՅՈՒՆ. ՆԻԿՈԼՈՋ ԿԱՇԱՐԱԿԱՆ՝ ԱՐԾԱԹ, ԻՍԿ ՆԻԿՈԼՈՋ ՊԵՏՐՈՒՆՈՎԻԼԻՆ՝ ԲՐՈՆՋ

Հունական Պորտո-Կարաս քաղաքում ավարտվեց 14-18 տարեկան շախմատիստների աշխարհի առաջնությունը: Մրցաշարի արդյունքներով, 14 տարեկանների խաղարկությունում վրաց շախմատիստ Նիկոլոջ Կաճարավան, 11 հնարավորից հավաքելով 9 միավոր, արժանացավ արծաթե մեդալի, առաջին տեղը միայն լրացուցիչ

գործակիցներով զիջեց իսպանացի Անտոնիո Պեդրոյին:

16 տարեկանների մրցաշարում առաջնության բրոնզե մեդալը նվաճեց մեկ այլ վրաց շախմատիստ Նիկոլոջ Պետրիաշվիլին: Տարիքային այդ մրցաշարում առաջին տեղը զբաղեցրեց Հայաստանի ներկայացուցիչ Շանթ Սարգսյանը:

ԸՄԲԵՆԱՄԱՐՏ. ԱԿՏԻՎՈՒՄ ՏԱՐԵՐ ԱՐԺՈՂՈՒԹՅԱՆ ՄԵԿԱՆԵՐ

Հունգարիայի մայրաքաղաքում եզրագիծը հատեց ըմբշամարտի աշխարհի առաջնությունը: Ինչպես արդեն հաղորդել էին, ազատ ոճի մրցաշարում վրաց մարզիկները իրենց ակտիվում գրանցեցին մեկ ոսկե, մեկ արծաթե եւ երկու բրոնզե մեդալներ: Հունա-հունական ոճի մրցաշարում Վրաստանի հավաքականը նվաճած մեդալների թիվը ավելացրեց եւս 2 բրոնզե մեդալով: Այն հավաքականի գանձարկը բերեցին Նուգզար Ծուրծումիան (558 կգ քաշային կարգ) եւ Ռոբերտ Կոբլիաշվիլին (87կգ): Վրաստանի հավաքականը թիմային հաշվարկում զբաղեցրեց 9-րդ տեղը:

Հայաստանի հավաքականը, ազատ ոճի մրցաշարում անհաջող ելույթից հետո, հունա-հունական ըմբշամարտի մրցաշարում կարողացավ նվաճել 2 բրոնզե մեդալ: Աչքի ընկան Մաքսիմ Մանուկյանը (82կգ) եւ Արթուր Մարինյանը (87կգ):

ԱՐԱՄ ՀԱՐՈՒԹՅՈՒՆՅԱՆ

1		2		3	4	5	6		7	8
			9							
10							11	12		
			13		14				15	
16			17				18	19		
		20					21			
22					23	24				
			25	26				27		
28	29			30				31	32	33
								34		
35		36	37			38		39		40
41								42		
43					44		45			46
			47	48			49		50	
51			52			53				
		54			55					56
							57			
				58						

ԽԱՂԱՆՈՒ ԴԱՏԱՐԱՆ

ՀՈՐԻԶՈՆԱԿԱՆ.

1.Հին հույն փիլիսոփա: 6.Նահանգ ԱՄՆ-ում: 9.Ազգային փոքրամասնություն Հայաստանում: 10.Ժամանակի միավոր: 11.Տեղ, տեղանք: 13.Նվազարան: 14.Ապրանքի հատկանիշ: 15.Շան տեսակ: 16.Հին գյուղական ոտնաման: 18.Էլեոնորան տնեցիների մոտ: 20.Մագ, հեր, ծամ: 21.Վրաստանի հայ նկարիչների միության նախագահը ... է: 22.«... առանց ոսկրի չի լինում» (ասացվածք): 23.Ոստիկանի գրություն: 25.Տիպ, տեսակ: 28.«Նկարչություն» մարմնի վրա: 30.Մեզ, մառախուղ: 31.Մանկական խաղալիք: 34.Սոնթե Մելքոնյանի կեղծանունը: 35.Գետ Վրաստանում: 37.Գինու տեսակ: 39.Վարար անձրեւ: 41.Հայոց աստվածուհի: 42.Վրացական ֆիլմ: 43.Կրակելու տեղ: 44.Նոտաներից առաջինը: 45.«... են կենում սեր ու խնդում, գեղեցկություն, գանձ ու գահ» (Հովհ.Թումանյան): 46.Չայնարկություն: 47.Գյուղ Հայաստանի Շիրակի մարզում: 51.... Պազանիների ջութակը: 53.Արեգակնային համակարգի մոլորակ (հայերեն անվանումը): 54.Ոչ էզ: 55.Արմեն Տիգրանյանի համարային օպերան: 57.Հայ մեծ վիպասան Րաֆֆու վեպերից: 58.Էջի եւ ձիու հիբրիդը:

ՈՐԴՈՆԱԿԱՆ. 1.Հայաստանի Առաջին Հանրա-

ՆԱԽՈՐԴ ՀԱՄԱՐԻ ԽԱՉԲԱՌԻ ՊԱՏԱՍԽԱՆՆԵՐԸ

ՀՈՐԻԶՈՆԱԿԱՆ.

7.Ստալին: 8.Պենզա: 9.Շվի: 10.Յալթա: 13.Չարագ: 18.Գեղի: 19.Առողջապահ: 22.Սելեն: 23.Սատկած: 28.Նիցշե: 29.Պյուզո: 32.Շիա: 33.Արար: 34.Գալոպ: 37.Հրե: 39.Լուվր: 41.Ենոտ: 44.Ալոջ: 46.Սերո: 47.Ջահ: 49.Խալ: 50.Բաբայան: 52.Շուտո: 54.Հունար: 55.Ուիլի: 56.Աու: 57.Շիմոլ: 58.Լաքա: ՈՐԴՈՆԱԿԱՆ. 1.Ֆայ: 2.Լիկա: 3.Լաշա: 4.Տալի: 5.Անդրե: 6.Քանգի: 11.Ասու: 12.Թլոլ: 14.Ազուլո: 15.Աղվաշ: 16.Թան: 17.Գես: 20.Տելուր: 21.Դեկոր: 24.Անագ: 25.Կցել: 26.Ծերպ: 27.Աշուր: 30.Յաբու: 31.Չաիր: 35.Արես: 36.Որոր: 37.Հոլ: 38.Երջանիկ: 40.Վահան: 42.Ներու: 43.Տոյոտա: 44.Անարի: 45.Ուխառու: 48.Արու: 51.Բաշ: 52.Շիլ: 53.Տաք:

Խմբագիր՝
ՎԱՆ ԲԱՅԲՈՒՐԹՅԱՆ

Մեր հասցեն՝ Թբիլիսի 0105
Գ.Աթոնելի փ. 5 հեռ. 2990-739, 2990-774
www.vrastan.ge
E-mail: vrastan.press@gmail.com

Գրանցման վկայական
№ 4 4 - 1439
«ԿՈԼՈՐ» հրատարակչություն

“ВРАСТАН”
Тбилиси, Грузия
«VRASTAN»
Georgia, Tbilisi
Индекс 66445